



*FINALE*  
*2-2-1996*

*GASTHOES* *HORST*

't Limburgs Vastelaovesleedjes Konkoer

# GEBUNDELDE DIENSTEN GEVEN KRACHT

## ACCOUNTANCY

- financiële administratie
- salarisadministratie
- accountantscontrole

## FISCAAL/JURIDISCH

- belastingaangiften
- contracten/geschillen
- tax-planning

## BEDRIJFSKUNDIG

- milieuwetgeving
- subsidies
- begeleiding aan- en verkoop

A C C O U N T A N T S   E N   A D V I S E U R S

Meterikseweg 4  
5961 CW HORST  
Tel. 077-3986000  
Fax. 077-3984985

**A&A**  
GROEP

Overige vestigingen:  
Bergen, Panningen, Venray,  
Heerlen, Weert, Maastricht,  
Venlo, Valkenburg, Roermond

## Woord Veuraof

Veur de twintigste kier geit het Limburgs Vastelaovesleedjes Konkoeer drejje. Same mit de Carnavalsvereniging D'n Dreumel oet Horst heet 't

**D**LVK weer gezurgd veur een zinderende finale. Dertien leedjes afkomstig oet hiel Limburg, van Ulestraote tot Tegele en van Hoensbroek tot Heel, zulle 't Gasthoês op z'ne kop zitte.

Mer leefs 220 leedjes woorte dit jaor ingesjikt. De hoofdjurie, bestaonde oet 30 maan heet dao 36 nummers oet geselecteerd. Die zien in dreij rundes door Omroep Limburg oetgesjikt en geer, geach publiek hebt vervolges bepaold welke dertien nummers door goon nao de finale.

In dit programmabeukske hub veer aoch de tekste van de finaleleedjes aafgedrukt, zoedat geer allemaol mit kint zinge. De tekste zien aongelieverd door de makers van de leedsjes.

Aaf en tow zult g'r mirreke dat e paar weurdsjes aandere zien ingezonge op de cassetjes. Dat mot g'r mer veur leef neume.

In vijf Gulpenerkroegskes zit de jurie klaor um te bepaole welk leedje **J**straks geit winne. Veer winse die luj veul inspiraasie en sterkte tow. Aaon de geng. 't Woord is aon Alf Poell.

Allemaol veul plezeer en ..... volgend jaor mer weer allemaol leedjes inzende. Want dao is 't 'm oeteindelek um te doen. Leedjes make en die laote huure aon zoeveul meugelek luj.

**Alaaf.**

Mestreech, 2 fibberwari 1996

Chrit Leenders,  
Veurzitter

Stan Spauwen,  
Sicretaris.

## **Jonger es vandaag**

Tekst: Gaston Jacobs

Muziek: Gaston Jacobs

### **Refrein:**

Jonger es vandaag kin ver et neet mje doon  
Dus loat mêt loat mêt goon  
Veurd'at ver et weite is den daag gedoon  
Dus loat os noe mêt goon  
Gister is verbie en murge is nog neet  
Dus zinge veer vandaag dit vasteloavesleed  
Jonger es vandaag kin ver et neet mje doon  
Dus loat mêt loat mêt goon

### **vers 1**

Kom sjtêl neet oet tot murge wat noe nog kint gedoon  
En nump ger uch get veur dan mot ger dat noe doon  
Want wachte veer want wachte veer dat is toch eewig zung  
Kom loat os noe goan sjpringe es vasteloavesvrung  
Want.....

### **Refrein**

### **vers 2**

Ver motte neet goon dinke wat gister is gewaes  
Mê plukke van den daag dan haet men dat belaeft  
Et is vandaag et is vandaag de vastloavestied  
Dus wach noe neet tot murge mesjien krieg geer dan sjpiet  
Want.....

### **Refrein**

## De baer is los

Tekst: Sef Laugs

Muziek: Sef Laugs

### Refrein:

Hiej is de baer weer los, de baer weer los  
Hiej wur't gedans, gesjprônge en op meziek gehos  
Hiej is de baer weer los, de baer weer los  
En dao mô't ich bie zeen, al kost et waat et kos

### vers 1

Ich bôn dôks aan de wanjel  
Ze zègge det is good  
Ich doon det altied zellef,  
En meestal ouch te voet  
Toen ich langs ein kafee koom  
Hoert ich dao ein kabaal  
Wie ich dao ens ging kieke  
Zông net de ganse zaal:

### Refrein

### vers 2

Ich dach toen bie mich eiges  
Doe bôs noe einmal hiej  
Hiej môsse effe blieve  
Doe kens nog net derbiej  
Opens dao woert et sjtilder  
't Lulde eine vent  
Maar net veur detter klaor waor  
Zông weer de ganse tent:

### Refrein: (2X)

# 't Vasteloaveszunke

Tekst: Hans Sterk

Muziek: Hans Sterk

## Refrein:

Mit vasteloavend geit bij-os de zon op  
al is 't midden i de nacht  
En kriege vier oos aege zonnestreuêlke  
dat weer zoeë heerlijk noa os licht  
Mit vasteloavend sjtroale hiej de sjterre  
es klaene lempkes i de loch  
Dat is 't vasteloavesleech  
en sjient va Venlo pis Mesjtreech

## vers 1

De winjterdaag zint duuster, zelfs de zon zuuste neet mieë  
raege, wink en hagel en ooch af en toe get sjnieë  
da pakke vier os same i g'n erm  
mer zônger zunke kriegste 't neet werm  
Mer es 't vasteloavesklukske loeët  
da trèkke vier d'r allemoal op oeët....

## vers 2

De vasteloavend hiej dat is 't sjoëenste fieës vuur mich  
woe jieëkerein verkleid is, mit 'n kluerke in 't gezich  
en es opins de raege neet mieë grient  
mer ueveral 'n zonnestreuêlke sjient  
Dan is 't vasteloaveszunke doa  
vier gont 't mit z'n allen achternoa...

## Es ich en dich.....

Tekst: Tjeu Ramakers  
Muziek: Lei Ramakers

### Refrein:

"Es ich en dich wiej veugel kóste vlege  
al daag, verkleidj de wolke in  
en laefdje vanne windj en waat wae kreges  
och sjat, ich höb zoeën zin d'r in;  
Al laote wae hiej en dao ein vaer,  
wae laeve, mer aeve,  
en sjoêle bije nót en sjmieërig waer  
woeë meziek is.....,  
want dao vleege ich 't leefste haer...!

### vers 1

Ooze Frens, dae hieët d'r toch get mèt,  
want dae veltj god-weit-wiej-dèk oët béd;  
Truj det duitj den gaar gein oug mieër toew,  
zelfs d'n hóngdj waerdj sjoew;  
Frens "vluugtj" eeder nacht en houwtj mèt erm en bein  
door diej duuster locht, allein....;

### vers 2

Es die veugel oëtgaon mèt ein klocht,  
hange diej de bieëst oët inne locht;  
En dao vluugtj zich, gluf mich, det is waor,  
neemes inne haor;  
Kóste wae zoeë laeve, niks mieër aane kop,  
den vloeëge ich mèt dich vöör-op....;

## Laot de tuikes mer 'ns viere

Tekst: Herman Geenen  
Muziek: Huub Lemmens

Fal-deral-deral-deral-deral, zoa zalig zjwiere mitte karneval  
Fal-deral-deral-deral-deral, en viere laot v'r al

### vers 1

Jeder jaor mit karneval  
knipe ich d'r tössjenoet  
Drèj 't knupke aeve òm,  
en vleege 'ns effe droet  
Laaj mich op en gaef get gaas,  
dat is dèks al genóg  
Dan veul ich mich 'n blunneke,  
dat bemmelt in de lòch

### Refrein:

Kòm laot de tuikes mer 'ns viere, wèj 'ns effe droet  
mit vastelaovend hilt gein paerd òs in de boet  
Kòm laot de tuikes mer 'ns viere, wèj 'ns effe droet  
Mit essjelegoonsdig loup v'r laeg en blaoze oet

Fal-deral-deral-deral-deral, zoa zalig zjwiere mitte karneval  
Fal-deral-deral-deral-deral, en viere laot v'r al

### vers 2

In de wolke veul ich mich,  
'n oetgelaote kèndj  
Wirvel, wemel, waggel get  
't geit mich veur de wèndj  
Laot mich gaon en kòm 'ns los,  
mit karneval alaaf  
Mer prik neet door dat velke haer,  
dan zakste zoa weer aaf

### Refrein:

2x, 2e keer de laatse regel 2X

Fal-deral-deral-deral-deral, zoa zalig zjwiere mit de karneval  
Fal-deral-deral-deral-deral, en viere laot v'r al  
Mitte karneval; da's knal!!!



# Mich kin niks gebeure

Tekst: Peter van den Akker  
Muziek: Peter van den Akker

## vers 1

Amper 'n menuutje oët de vaere,  
Wis ik van bescheit  
Deze'n daag dae meus 't waal goan waere,  
Det waas veur mich 'n feit  
Dus ik dach laot gewaere,  
Want waat kômme geit  
Wuërt veur mich meschien,  
De juuste medisien,  
Um altiëd gelökkig te zien

## Refrein:

Mich kin vandaag,  
Ech de ganse'n daag,  
Niks miër gebeure,  
ik-Wis van te veure,  
Wie det 't allemaol zoel gaon  
Ik laot mich gaon,  
Wiës 't is gedoan,  
Dich môs toch weite,  
Ik gaon neet pleite,  
Veurdet alles is gedaon

## vers 2

Wie d'n daag verlöp laot ik um loupe,  
't-Is gewoën te gek  
As ik um veur geld zoel gaon verkoupe,  
Waas ik knettergek  
Wae auk aan kump geloupe,  
Val ik um de nek  
Nae det ik neet klaag,  
Op deze schoëne'n daag,  
Want ik bin kepot van vandaag

# Tante Annie oes Bennekom

Tekst: Ummer d'r Neaven

Muziek: Ummer d'r Neaven

Limburg en de rest van het land proberen al jaren nader tot elkaar te komen. Toch is er nog steeds sprake van een lichte diversiteit, met name in de beleving van de feestcultuur.

## vers 1

d'r Harie, inne nonk va miech  
wirkt bei de PTT  
durch reorganisatie  
moet hee noa Enschede  
doa koet hee och nit blieve  
en jong noa Bennekom  
doa trof hee tante An  
en die sjlooch i wie ing bom  
en jiddes joar mit karneval  
da ruft ze: Harie kom  
we gaan Limburg verblijden  
weg uit Bennekom

## Refrein:

Wee bloast mit vastelaovend  
op de bombardon  
Tante Annie oes Bennekom  
Wee sjeet d'r vanoavand  
op de dikke trom  
Tante Annie oes Bennekom  
Ze is van inne Hollendsje tak  
tante Annie is richtieje kak  
Hat ze op de trom jehouwe  
huit ze och werm aaf  
Tante Annie alaaf

## vers 2

Tante Annie is va  
zoe wie ze zeet  
jeweune komaf  
ee dink deet ze nit  
dat is sjwieje wie 't graf  
en hat me och ins jinne zin  
da wis 't An besjeed  
vuur ee biesje sjtiemmoeng  
sjteet d'r appelform jereed  
ze hat tswai druupjer nuudig  
da bejint werm 't jesjees  
da keekt ze durch d'r janse zaal  
Harie polonaise

E E T C A F E

D'N DREUMEL



VOOR DE BROODNODIGE  
\* V E R S T E R K I N G \*

BROODJE KNAK \*

BELEGDE BROODJES \* SOEP

25 =

DREUMEL - CD

# We zijn net zo thuis in de buurt als u

De Rabobank is een bank met een idee. Het idee dat je samen sterk bent. De Rabobank heeft als geen ander een traditie van samenwerken en bouwen aan relaties. Het is een bank van mensen vóór mensen. Dat merkt u al snel in het persoonlijke contact. Elke Rabobank staat midden in de samenleving. Daarom zijn we vaak betrokken bij activiteiten in het bedrijfsleven, verenigingen en scholen. We weten wat er leeft, ook als het niet om bankzaken gaat. Kortom, we zijn een bank die net zo thuis is in de buurt als u.



**Rabobank**

**Rabobank Maashorst**

**Rabobank**

**Maashorst**

**sponsort**

**ook**



**deze pagina**

**Rabobank**

## Tusse Pruuse en de Piel

Tekst: Cor Kuipers

Muziek: Thijs Kleeven

### Refrein:

Joa tusse Pruuse en de Piel  
doa leet 't aallerschonste waerelddiel  
daat is os eige Limburgsland  
doa is aallus novenant  
Ge left doa fijn, joa ik bedoel  
as enne preens in en petattekoel  
't aallerschonste waerelddiel  
leet tusse Pruuse en de Piel

### vers 1

In daat land vaan buutnereedners  
is d'n humor nag in tel  
met de zaatte harmoniejkus  
of en joekse joekskapel  
Oet de moat of fleenk d'r naeve  
doa um maak ik meej ni druk  
waant de stemming die ze make  
is precies woa noa ik zuk

### vers 2

In daat riek van spek en boene  
is de vastenoavustied  
iene groete schaele wazel  
joa de logica is kwiet  
Got ni zeuke dut gen mojte  
lot de flauwekeul bestoan  
waant ge vult ow in d'n hemel  
as ge ow is gans lot gaon

## 'T Razel-Dazel-Jatse-Joetse-Virus

Tekst: John Stoffels

Muziek: John Stoffels

### vers 1

Is 't uch al opgevalle, hobtj gae det auch in eur lief?  
Gaontj gae d'r anders door kalle en waore eur bein minder stjief  
Jaoktj 't uch tosse de oere, veultj gae det in eure nek  
Raaktj gae den get snjeller op toere, doontje gae ein klein bietje gek

### Refrein:

Det is 't razel-dazel-jatse-joetse-virus, drie daag is alles besmjetj  
't Roltj door Limburg wie lawines, alles loptj den bontj verkleđj  
Want det razel-dazel-jatse-joetse-virus,  
griepjtj uch vast en luëtj uch nimmer los  
Det geveul det is zoë lekker, manjefiek, det kèn neet gekker  
Drie daag zeen wae weer de klos

### vers 2

Dae kriebel jeugtj door de vate, 't broese heltj nimmer op  
Höbtj gae det auch in de gate, vam bènne stjeit alles oppe kop  
Dao is gein pil vöör te kriege, nemes kèn dao get aan doon  
't Hèltj hie hoes wie ein onwaer, eder verangertj in kloon

### Refrein:

letste 2 regels eine kiër  
letste regel eine kiër

# Ich bèn mich d'r eine!

Tekst: Ben Erkens  
Muziek: Ben Erkens

## vers 1

Kiek ich in de sjpeegel, dènk ich in de reegel  
Noe mósse mich dat menke dao zeen sjtaon!  
Dat is mich enne sjoane, dae is good in de boane  
Wie mót et mit dat menke wiejer gaon?  
Ich höb zoawiet ich weit mit dem al heel get mitgemaak  
Veer deilde leef en leid et veel ós zoamer op et daak!  
Noe nao al die jaore bèn ich zoa wie ich bèn  
en bliej dat ich daomit nog lache kèn!

## Refrein:

Ich bèn mich d'r eine, zoa geuf et zich geine  
Eine zoa wie geine en dae eine dat bèn ich!  
Ich bèn mich d'r eine, zoa geuf et zich geine  
Eine zoa wie mich, is geine zoa wie dich!

Ich bèn mich d'r eine, zoa geuf et zich geine  
Eine zoa wie geine en dae eine dat bèn ich!  
Toch kèn ich d'r eine, wie deeze of geine  
Eine zoa wie dich, dae liek waal get op mich!

## vers 2

Is et neet bezónjer, dat ich mich verwónjer  
Wie kènt mich noe zoa 'n menke toch bestjaon?  
Dae zoa op mich kènt lieke, doe mós mer 'ns bekieke  
Wieväöl d'r van die menkes neet bestjaon!  
Want jeeder kènt die daag, dan haet me et waal 'ns te kaod  
mer bèsse get van sjlaag, ich gaef dich eine gooje raod  
Kiek 'ns in de sjpeegel en zègk: Doe aapesjnoet,  
ich lach dich noe 'ns aeve lekker oet!

## Refrein:

2X  
(2e keer gedeiltelik instrumentaal)  
(Sjlotzin lètste refrein: 2X)



# Vastelaoveswaer

Tekst: Wil Scheepers

Muziek: Tof Deckers & Wil Scheepers

## Refrein:

Maak nieks oet waatveur waer  
't is vastelaoveswaer  
De raegen of de zon  
't is vastelaoveswaer  
Veur gaon d'r weer op oet dees daag  
Det doon veur toch gaer  
't is vastelaoveswaer  
't is vastelaoveswaer

## vers 1

Gister bön ich naat gewaore op waeg nao 't Boerebal  
De windj dae joog hiej door de sjtraot  
De raegenjas, de paraplu, die ligke in de hal  
De hase in de plestiek taot  
De kaaj die duit os helemaol nieks  
veur zeen d'r weer veur klaor  
't Waer det is veur os twee gaaroet gein bezjaor

## vers 2

Morge in de optoch sjient 't zunke lekker weer  
De möts blief op de kapsjtok toes  
Bewolking in de morges, mer waal dreug waat wilse meer  
Veur drage eine zomerbloes  
Veur gaon op paad mit goje mood  
al is 't dreug of naat  
Maak os toch nieks oet al is 't lekker werm of kaad

# De Fòddele-Polka

Tekst: Thei Wessels

Muziek: Thei Wessels

## Refrein: (2X)

Es ich mich aan gaon tòddele  
Dan duuk ich in die fòddele  
Dan mòste mich zeen knòddele  
Aan al die fòddele bròddele  
Es ich mich aan gaon tòddele  
Dan duuk ich in die fòddele  
Mer nao ein urke hòddele  
Dan loup ich sjoon derbie!

## vers 1

In de sjtub van Pit-Jup zit ein motte-klup  
En 't ves van tant Jes dat sjtink es de pes  
Dao löp Greit in ein kleid, mer 't pas hör neit  
Vik en Nik höbbe Dirk eine jas gesjtrik

## vers 2

Uzjenie löp derbie, mer noe vraog neit wie  
Höbberdien haet ein lien van ein auw gerdien  
Iezabel löp mit Sel in ein baerevel  
Wullem-Nöl ziene pröl sjtink nao sjaope-wöl

## vers 3

Dao löp Hein gans allein in de blote bein  
De kolbaer van Piejaer is ein tuut van laer  
Dao löp Ad door de sjtad in ein koukesmat  
Kris en Tis en Lewis gaon es aerpelskis

# "Drejje"!!

Tekst: Ursula en Bert Garnier

Muziek: Ursula en Bert Garnier

## Refrein:

Pak mich bei de slippe vaan mien humme  
Pak miech bei de piepe vaan m'n brook  
Daan goon veer eve same op de huukskes  
Drejje roope veer op ederen hook  
Pak miech vas en loer 'ns in m'n ouge  
Spooj diech want veer moote weijer goon  
Veer raken aandere in de knuip en ederein geit op de luij  
Daan blieve veer allein hei stoon!  
(2X herhaole)

## vers

En kiek iech veur miech zeen iech die vötteke  
Dreij's diech d'ch um zeen iech diene moond  
Daan reup veer eine; Allemaol drejje!  
En daan goon veer in 't roond  
En in dee slinger vaan die boont verkleijde luij  
huurste ederskier opnuij,.....

Drejje,.....!

## Refrein:

3X opnuij!



# interchalet

Witveldweg 100, 5961 ND Horst, Tel. 077 - 3999333 Fax 077 - 3982344

NEDELIANDE BOUW EN WIL

NR.	LIEDJE	AALS	M'TRICHT	LINNE	BLERICK	IN	TOTAAL
1	Jonger es vandaag						
2	De baer is los						
3	't Vasteloaverszunke						
4	Es ich en dich .....						
5	Laot de tuikes mer 'ns viere						
6	Mich kin niks gebeure						
7	Tante Annie oes Bennekom						
8	Tusse Pruuse en de Piel						
9	'T Razel-Dazel-Jatse-Joetse-Virus						
10	Ich bèn mich d'r eine !						
11	Vastelaoveswaer						
12	De Fòddele-Polka						
13	"Drejje"!!						



**MUNCKHOF GROEP**

## **MUNCKHOF REIZEN**

VOOR GROEPSREIZEN, DAGTOCHTEN EN MEERDAAGSE REIZEN

**077 39 83888**

## **MUNCKHOF TAXI**

VOOR SNEL, COMFORTABEL EN AANGEPAST VERVOER

**077 39 88300**

## **MUNCKHOF VERHUUR**

VOOR PERSONENBUSJES EN KLEINE VRACHTWAGENS

**077 39 86005**

**7 DAGEN PER WEEK, 24 UUR PER DAG BEREIKBAAR**

venrayseweg 26 5961 ag horst postbus 6033 5960 aa horst  
telefoon 077 39 83888 telefax 077 39 86009

# HORST

van *nature* ondernemend

**DAT KUNNEN WIJ  
U VERZEKEREN!**

**AG**

**ANTIMENES ASSURANTIE B.V.**

